

LATIHAN KATA TUGAS

Isi tempat kosong dengan kata prafrasa yang sesuai.

1. Aiman _____ ke Kuala Lumpur esok.
2. Keputusan peperiksaannya kali ini buruk _____.
3. Mereka _____ keluar hari ini juga.
4. Bapanya _____ pergi ke bendang hari ini.
5. _____ Basyir seorang yang telah sampai ke pejabat.
6. Sumbangan besar beliau _____ dari segi pembicaraan terperinci tentang penterjemahan semantik.
7. Rama-rama itu terbang _____ arah selatan.
8. Tambak Johor terletak _____ negeri Johor dengan Singapura.
9. Adik bersembunyi di _____ meja.
10. _____ pegawai tidak dibenarkan bercuti esok.
11. Hadiah itu _____ untuk Karmila.
12. _____ beras telah diterbangkan ke kawasan kebuluran di Afrika.
13. Kita harus fasih bertutur _____ bahasa kebangsaan kita.
14. Masakan ibunya _____ sedap.
15. Dalam terjemahan komunikatif, perkara yang penting _____ usaha mendorong pembaca berfikir, berperasaan dan bertindak.


GOLONGAN KATA ADJEKTIF

1. Perkataan-perkataan yang terangkum dalam golongan kata adjektif dapat menjadi unsur inti dalam binaan frasa adjektif.
2. Perkataan-perkataan seperti *tinggi, nipis, murah, bulat, lama* dan *kasih* adalah beberapa contoh kata adjektif.
3. Contohnya dalam ayat *Rumah itu besar.*
4. Perkataan *besar* tergolong dalam kata adjektif yang merujuk saiz atau ukuran.
5. Berdasarkan makna perkataan-perkataan tersebut, kata adjektif dapat dibahagikan kepada 9 jenis seperti yang berikut :

Jenis Kata Adjektif	Contoh-contoh Perkataan
Sifatan/Keadaan	Takut, sihat, tegas, segar , nakal, pandai, kasar
Ukuran	Berat, kecil, kerdil, dalam, tebal, pendek, rendah
Bentuk	Bundar, leper, bulat, lonjong, bujur, lurus, bengkok
Warna	Kuning, perang, hijau, jingga, ungu, kelabu, putih
Waktu	Segera, awal, cepat, lampau, silam, lambat, lewat,
Cara	Pantas, laju, deras, cepat, perlahan, teliti, cermat,
Jarak	Hampir, jauh, dekat, nyaris
Perasaan	rindu, segan, gembira, sayang, benci, riang, sedih
Pancaindera	masam, pahit, licin, halus, buruk, bising, nyaring,

GOLONGAN KATA KERJA

1. Perkataan-perkataan yang terangkum dalam golongan kata kerja dapat menjadi unsur inti dalam binaan frasa kerja.
2. Golongan kata kerja bahasa Melayu dapat dibahagikan kepada dua, iaitu kata kerja transitif dan kata kerja tak transitif.
3. Kata kerja tak transitif ada yang berpelengkap dan tidak berpelengkap.
4. Manakala kata kerja transitif dapat dibahagikan kepada kata kerja transitif aktif dan kata kerja transitif pasif.



KATA KERJA TAK TRANSITIF

1. Kata kerja tak transitif ialah kata kerja yang tidak memerlukan objek atau penyambut dalam predikat sesuatu ayat.
2. Terdapat sejumlah contoh kata kerja tak transitif mesti diikuti dengan pelengkap. Contohnya, dalam ayat :

BSKL masih ketinggalan *berbanding* bursa lain.

3. Perkataan *bursa lain* merupakan pelengkap kepada kata kerja *berbanding*.
4. Terdapat juga kata kerja tak transitif yang tidak memerlukan pelengkap. Kata kerja jenis ini berdiri sendiri tanpa pergantungan kepada unsur pelengkap untuk melengkapkan maksud atau makna ayat. Contohnya, dalam ayat :

BSKL kembali *melonjak*.

5. Kata kerja tak transitif ini boleh diikuti oleh unsur keterangan yang berfungsi memberi maklumat tambahan. Contohnya :

BSKL kembali melonjak *pada 2003*.

6. Perkataan *pada 2003* merupakan unsur keterangan bagi kata kerja tak transitif *melonjak*.

Tak Berpelengkap	Berpelengkap
termenung	menjadi
meningkat	tinggal
berdagang	bertambah
pulang	berada

KATA KERJA TRANSITIF

1. Kata kerja transitif ialah kata kerja yang diikuti oleh objek atau penyambut dalam predikat sesuatu ayat.
2. Kata kerja transitif aktif ialah kata kerja yang menerima awalan *meN-* dengan atau tanpa akhiran *kan-* dan *-i*. Contoh :

Petaling Garden Bhd *menguasai* 66.06 peratus kepentingan dalam Temasya Development Co Sdn Bhd.

3. Kata kerja transitif pasif ialah kata kerja hasil daripada proses transformasi atau perubahan ayat aktif menjadi ayat pasif. Contohnya :

66.06 peratus kepentingan dalam Temasya Development Co Sdn Bhd *dikuasai* oleh Petaling Garden Bhd.

Kata Kerja Transitif (Aktif)	Kata Kerja Transitif (Pasif)
membelanjakan	dibelanjakan
memasarkan	dipasarkan
menyelesaikan	kami selesaikan
mengaturkan	saya aturkan

POKOK KAPAL TERBANG

Rumpai yang Dibekal

GICH GHEE BENG JIN

POKOK kapal terbang atau nama saintifiknya, *Chromolaena odorata* (L.) R. King & H. Robinson sejenis tumbuhan renek yang banyak bercabang. Tumbuhan ini berbatang lembut ketika muda dan beransur-ansur menjadi bergabus ketika matang dan tua.

Asal perkataan "odorata" pada nama tumbuhan ini daripada bahasa Latin yang bermaksud "bau". Ciri ini terdapat pada daunnya apabila diramas, mengeluarkan aroma yang kuat dan agak kurang enak. Bentuk daunnya bergerigi pada bahagian tepi dengan permukaan yang kesat dan berbulu halus.

Bunga pokok ini berwarna putih dan tumbuh berjambak pada hujung ranting. Nama "Pokok Kapal Terbang" mungkin diilhamkan daripada ciri-ciri biji yang halus, ringan dan senang diterbangkan oleh agen penyebaran seperti angin, dan kadang-kadang melekat pada badan atau bulu haiwan. Nama lain tumbuhan ini ialah pokok jepun, pokok jerman dan pokok busuk-busuk.

Pokok ini dipercayai berasal dari kawasan tropika Amerika Tengah, dari selatan Florida sehingga ke utara Argentina. Kini, pokok ini tersebar dengan meluas di kawasan tropika Asia, India, Indochina, Asia Tenggara, barat dan tengah Afrika, dan Afrika Selatan. Pokok ini tumbuh meliar di tempat lapang dan terbuka, seperti kawasan tanah terbiar dan menjadi rumpai yang susah

untuk dimusnahkan jika mula tumbuh di kawasan pertanian dan perladangan.

Pokok kapal terbang memang terkenal dan digunakan dalam perubatan herba dan tradisional tempatan. Daunnya ditumbuk sehingga lumat dan dipupuk pada luka untuk menghentikan pengaliran darah. Kadang-kadang daunnya dihancurkan bersama-sama sedikit sirih makan dan ditampalkan pada bahagian tercedera atau luka. Ketika kecemasan, terutama semasa mengembara di hutan, daunnya diramas sehingga hancur dan dicampurkan dengan sedikit air liur dan ditampal pada luka untuk menghentikan pendarahan melampau, sementara mendapatkan bantuan perubatan.

Selain mengubati luka, daun pokok kapal terbang digunakan untuk merawat sakit perut, sakit mata, panau, kurap dan demam. Air rebusan akarnya boleh diminum untuk merendahkan suhu badan



Pokok kapal terbang sumber antioksidan yang baik kerana kaya dengan alkaloid, tanin, flavonoid dan sebatian fenolik.

ketika demam, mengubati cirit-birit, radang usus, buasir, kembung perut dan sakit tulang.

Kajian saintifik berkenaan tindakan ekstrak daun pokok kapal terbang menyembuhkan luka telah dijalankan ke atas haiwan makmal. Keputusan kajian tersebut menunjukkan bahawa ekstrak daun ini dapat menyembuhkan luka amab dengan mengawal aktiviti dan memberhentikan tindakan enzim dehidrogenase pada organisma patogen yang terlibat pada tempat luka. Ekstrak daun tersebut juga dapat merencatkan pertumbuhan mikroorganisma pada kawasan luka dan membantu membentuk sel baharu pada bahagian tisu yang luka. Dalam kajian pengawalan aras glukosa, ekstrak daun pokok kapal terbang didapati berjaya menurunkan paras glukosa darah amab yang diberikan suntikan glukosa berkepekatan tinggi. Keputusan kajian ini dapat membantu mendalami kajian tentang agen antidiabetes daripada sumber tumbuh-tumbuhan.

Ekstrak daun pokok kapal terbang juga menunjukkan ciri-ciri menahan kesakitan, antiradang dan menurunkan suhu badan. Haiwan makmal yang dirawat dengan ekstrak etanol daripada bahagian daun menunjukkan keupayaan menahan kesakitan ketika didedahkan kepada kepanasan. Ekstrak daun ini dapat menurunkan suhu badan dan

LATIHAN KATA KERJA

Kelaskan semua kata kerja yang berikut mengikut jenisnya

Mengatasi masalah	menjadi peguam	tinggal	diserahkan
berbuat baik	menolak permintaan	kena culik	mandi
menangis	menulis cerpen	berbantalkan lengan	dirakamkan

Kata Kerja Transitif	Kata Kerja Tak Transitif